



977422

光緒壬辰仲秋

怡

怡

三

詩

集

拚茶徐秋白題



怡怡齋稿

宛平趙允養園氏著

邢毓蘭

復設教諭



受業范九齡

廩生

編次

金兆梁

文生

姪婿楊

振

官江蘇少尉

子婿茅乃厚

山東鉅野縣知縣

校字

姪世曾

丁丑翰林

法曾

貢生官山左詩禮廳

怡怡齋稿

男守曾

貢生官同知

謹梓



怡怡齋稿序

夫不協堦麓者安知常棣之章不經原隰者豈識敦  
葦之美是以池塘春草謝家則夢寐難忘桃李芳園  
太白則天倫樂敘古人尙矣今亦有焉則有如我芷  
菴刺史者津門望族天水舊家以名茂才作賢令尹  
五十日艾服官政尙未華顛三百之篇無邪思獨精  
藻鑑暇日手訂一冊厥號怡怡各選數篇其神躍躍  
良以孔懷性成友于誼篤品多砥礪學有淵源瞻小

怡怡齋稿

宋而羨大宋之掄魁因季方而頌元方之盛德溯自  
同官山左借登泰岱之巔洎乎敷政淮南僅酌邗江  
之水宜其胸襟濶達手筆紛披書之歲華以紀吟躅  
况乎周茂叔之光風霽月飲人以利王逸少之峻嶺  
崇山欣於所遇是真儒之氣象非巧宦之夤緣懷璧  
而虹光燭天彈琴而鶴聲聞野一官一集大成請俟  
諸他年三沐三薰快覩先爭於此日時也長公攝篆  
於桂林仲氏傷心於墓草幾年濶別寄長枕大被之



思何日言旋悵山驛水郵之路存者則日壽日富祝  
箕範於九疇逝者則令聞令望繫瓜繇於一綫然而  
天涯遊宦莫同美景良辰身後浮名何與賞心樂事  
而欲使諸葛咸臥於隆中機雲共居於洛下既乏縮  
地之術更無返魂之香惟見其文如見其人斯難爲  
兄而難爲弟我刺史遂命令阮心蓮太史搜羅碎玉  
掇拾零金謂豹斑可以管窺將雁行藉以編次修成  
五鳳瓊樓之得月偏多種到三株珠樹之臨池更皎  
怡怡齋稿

三

從此西窗燭影恍連牀風雨之時竟教南國棠陰誦  
遵汝條枚之句

丹徒張思再謹序



蓋聞文章不本於道德華而不實也道德不發爲事業濶而無用也余觀趙晉三太守諸昆季居家則仁恕孝友筮仕則廉正有爲所謂文章道德事業兼而有也每讀其著作宏辭偉論上下千古而機杼一家能發前人所未發美矣備矣行己之概用世之畧亦於此而益見矣養園觀察素耽吟詠其詩溫柔敦厚無體不工於衙齋聽鼓之餘發官閣吟梅之興非欲

怡怡齋稿

四

淨理純仕學兼優者而能若是耶因念古人以詩傳者如長笛一聲人倚樓及微雲澹河漢秋雨滴梧桐不過一二句詩貴工不貴多此篇一出余知其與崔黃葉沈白蘋不亦同爲膾炙人口歟今晴嵐養園兩觀察雖歸道山而晉三太守現以廣西平樂太守卓異保升道員芷菴直刺亦以卓異候升聯輝棣萼克副盛名且後輩玉立森森蘭芬桂馥積德彌長尤足慕焉賢阮心蓮太史及守曾專編養園觀察之詩在



前其伊之伯叔所作人才治水等論暫附刻於後餘  
容彙集付梓其文理旁通暢達作用設施實有遠出  
尋常萬萬者嘗鼎一臠已知其美異日得窺全豹更  
余之厚幸也已

年通家弟石柱芳拜序

怡怡齋稿

五

余之厚幸也

年通家弟石柱芳拜序

容彙集付梓其文理旁通暢達作用設施實有遠出  
尋常萬萬者嘗鼎一臠已知其美異日得窺全豹更  
余之厚幸也已



序

怡怡齋稿我師芷菴趙直刺所手輯也師官茲土十年公暇輒接見諸生誦勉曰士首四民爲鄉人表率吾與之講論詩書孜孜不輟者非徒以教學自矜冀我輩經明行立不難相助爲理耳噫若我師者抱有用之才甘屈下僚澹泊寡營不欺爲本宜一時有志嚮學之士咸心悅焉其伯氏晉三太守丙戌春赴粵西任迂道過此間桐以通家後輩請見幸聆教益樸

怡怡齋稿

六

茂淵雅有古君子風惜越宿卽去未能少盡其梗概迄今猶引以爲恨近聞攝篆建陵到處有神明之頌其政治聲稱與吾師可謂兩難矣惟養圍觀察爲吾師仲兄山左之良有司也桐生也晚雖未獲親卽其言論風采然揆諸二公之行詣亦可以想像焉而彷彿其爲人是吾師一家其心其志皆不僅以文字傳也今吾師將合刻之以付梨棗持以示桐授而讀之其名言絡繹均有灑然不滓之概凡有關於世道人



心者必反覆致意尤非精誠固結者不能後之人讀  
其著作誠可揭其心見其志豈可以詩人筆墨同觀  
也耶

受業葉桐頓首拜序

怡怡齋稿

七







恍然見其伯歌季舞一堂觴詠之樂焉遂請於先生畧抄數帙以付梨棗梁竊慕吾鄉先達高澹人詹事吳穀人祭酒祖父伯叔兄弟所作均有一家稿行世而先生大父曉香公有養吾拙稿太老師春堂公有待與全樹軒集此誠足與一家稿並傳不朽歟

光緒壬辰秋七月受業門人鴛湖金兆梁小樓氏拜序於江蘇南沙官廨

怡怡齋稿

九



晉三太守贊

度若淵潭氣如山嶽狀我先生肖其卓犖擅經史  
之才華任政事而倬倬嘻此老胸同冰雪絕纖塵  
爲官清兮民自樂

養園觀察贊

清標拔俗似柔而剛風雅蘊籍禮樂文章斯人也  
豈特是書生本來面目實不愧爲山左大憲稱曰  
循良

怡怡齋稿

十

芷菴直刺贊三昆仲官聲卓著到處立有長生祿位  
牌并皆繪像立贊因刻其贊以窺一斑云

清獻鶴琴賢才能繼譽踰二難蔚然大器怡怡集  
成篤深情義同懷之詠棣萼者悉本此心以爲心  
庶敦友于之風於莫墜

丹崖石柱芳敬題



怡怡齋題詞泰山來

踏踏共昔景時本正姻年世弟何鑑塘

癸卯舉辰聯捷官朝府

人因可愛思冬日伯仲壘篴競奏工孝友無虧真學

問鶴琴克紹舊家風

木人林琴端武高琴姻年弟楊步雲

丙午副榜己酉舉人官明府

筆底居然萬象涵由來詩翰滿燕南衙齋風雨連牀

夢春草池塘播美談

齋世爽腹正壺流不學來姻年弟楊倬雲

乙丑進士官觀察

怡怡齋稿

十一

襟期爽朗玉壺清不必求名自有名偶藉吟詩抒抱

負心香一味景中情

琴與韻然舊琴圖山來姻年小弟王駿文

增貢膳錄官太守

才人椽筆識尤高琴鶴家傳品詣豪我欲著詩詩著

我羨他妙句壯波濤

人因可愛思冬日伯仲壘篴年姻弟王煜

壬戌舉人官明府

能詩共許是仙才五色花真筆下開無限深情傳淡

遠應知登過泰山來



經濟文章盡可傳詩中尋畫更超然有情有景分虛  
實一鶴一琴判後先學問深時言論壯胸懷高處性  
情堅怡怡至樂多觀感健筆凌雲啟後賢  
戊午舉人 官中書  
慈祥爲政本天真萬象包羅韻語新經濟文章欣其  
仰韓蘇以後見斯人

怡怡齋稿

十一

豪懷自古是英雄磊落奇才氣吐虹更有幽情傳淡  
遠新詩好倩碧紗籠

兄新晴嵐氏舉人官 觀察

句句杼良言雕琢痕烏有淑性與陶情錦心兼繡口  
梓於唐人申元白應俯首悲歌燕趙多幾見真作手  
余季詠懷詩常置諸左右筆墨因人傳金石共不朽

引經斷嶽稱良吏多少名賢拜下風謝句聯吟千古



重讀書真不愧儒躬

兄鑿和 廩生

翩翩氣度超凡品  
卽景言懷興倍豪  
省識胸中無限意  
詞章典重繼枚高

兄家楹 增生

秀韻天然性本成  
愈經洗鍊愈經營  
墳篋并奏倫常樂  
好把新詩細品評

兄慶衍 官別駕

怡怡齋稿

三

齋中詩卷識尤高  
任重投艱氣不撓  
奚止吟懷稱絕技  
文章政事壯波濤

兄英祚 辛未進士官明府

風神澹雅見天真  
秀骨生香韻更新  
此日鳴琴成小試  
他年霖雨楸經綸

兄國華 癸亥進士官廉訪

那知味淡自神閒  
青眼獨開覽衆山  
一片冰心懸朗鑑  
俗塵不染列仙班



同姓自餘皆重藝洪少未至宜補入兄繩祖俊秀

讀書本色是英雄倚馬奇才氣若虹忠孝傳家貽澤

遠滿腔血性溢詩中當金印懸古世萬世榮華

弟時熙 辛未進士  
官桂臨道

詩心端的是仙才豪氣崢嶸亦壯哉如此胸襟誰得

似一編高詠幾徘徊

弟光第 官廣西  
按察

淵源有自得傳薪琴鶴家風步後塵餘緒兼能詩與

怡怡齋稿

十四

畫偶然着手總成春

弟慶濂 官明  
府

著手即成春臨池揮彩筆書畫久擅場詩詞尤協律

遊宦循良稱清獻堪繼匹餘技暢吟懷彬彬文且質

弟鑾揚 壬辰進士  
官京秩

聞道男兒好身手會當金印懸右肘萬物蒼生繫我

躬何暇風月與詩酒我聞此語常笑呵文章政事本

同科自從詩壇健將少未免宦海俗人多昨從我家



觀此卷塵囂俗慮俱除遣如向山陰道上行月明幾  
令牛都喘展轉兮新詩敘天倫兮何時君不見李家  
園桃李開時花滿枝

弟慶和

官少府

詩情豈止仰山斗包蘊經綸無不有才大何止稱循  
良長吟亦復推巨手

弟慶頤

庠生

詩懷爽朗氣崢嶸胸次全從濶處行林著經綸流澤

怡怡齋稿

五

遠與兄政續永傳名

同錄李國執事書

鳴謝卷重置翁意為君數破向山翁欲土芥民即



怡怡齋詩集書

采菱詞大韻賦父趙允  
號養園花翎歷任州縣以及府道著有惠政

采菱復采菱秋水色澄清烟波兮空濶小艇兮誰乘

爰有江南女臨流靜無語難解惜秋心出沒花深處

試問欲如何江心一棹過花香遺所思纖手按新歌

歌聲柔並婉采花樂忘返日落照寒流不知天已晚

晚景水淙淙和成鐵笛腔曲終人不見餘韻滿秋江

題周貞女課弟圖

怡怡齋詩集

七

貞女字筠仙宛平縣人幼失怙恃工書史誓

不嫁以舉業課弟二十有一歲卒於家其弟

周薑臣大令任定陶時言於山左學使代為

請旌焉

守節多永貞少留身撫弟情矯矯殉節易存孤難事

出閨閣尤悲酸周女勝男號筠仙孝友至性根諸天

年未及笄識大體慮父無嗣時憂煎周氏單傳已數

世母因嗣艱嘗泣涕齋宿焚香誓屢伸拚將壽命易



賢裔貞女竊聽暗傷神自恨生是女兒身旦夕禱天  
天感動一朝果昇石麒麟桂芽甫茁葭草死臨歿  
兒付阿姊八旬大母老無依十日遺孤啼不己矢志  
全貞淚潄潄秋深淒斷女嬃砧羹湯事奉嘗親手乳  
媪調停費苦心大母旋亡弟漸長女貞庇蔭心無兩  
爲延一脉繼濂溪代父兼師勤教養弟卒成名官齊  
魯至行洵堪冠今古聶姊知弟未足多木蘭代父誰  
比數

九重魏煥賁天章墓門綽楔姓名香至今

怡怡齋詩集

七

阿弟談遺事猶誌深恩泣不忘我景奇行深仰止孝  
節允宜豔青史邇來風俗日澆漓丈夫巾幗當視此

擬杜工部古柏行

武侯遺跡何處尋夔州祠外柏森森邇來閱歷千餘  
歲古幹突兀撐危岑清高黛色上參天飽受風霜完  
勁節悠然勿改歲寒心生成品與凡材別世態炎涼  
幾變更不同凡俗計枯榮直似西湖湖畔樹向南枝  
戰北風聲天降奇材終有用賞識自應異庸衆安得



工師斲成器俾作舟楫和梁棟  
擬李供奉將進酒用原韻

君不聞子雲賦筆長楊來名流何事從奸回又不聞  
李廣數奇悲白髮壯骨沉埋陰山雪人生有命莫強  
求且舉金樽邀素月是非不入東風耳富貴浮雲任  
去來囊中有錢沽美酒何妨縱飲流霞杯拚一醉了  
一生將進酒斟莫停醉來歌一曲不問旁人來竊聽  
世間萬事如流水翻願長醉不願醒英雄名士都消  
怡怡齋詩集

六

歌何況區區蝸角之微名惟有飲者得真樂世事不  
通任歡謔醒時獨步市廛中沽酒歸來復自酌金龜  
佩鷓鴣裘欣逢知己亦換酒朝朝醉卧不知愁  
采桂歌

廣寒宮中有老桂相傳四萬八千歲五百丈高手難  
攀瑞比杏花徵及第乍聞檻外木樨香香葉曾棲古  
鳳凰人說大羅秋色好笑將消息問吳剛吳剛手持  
一柄斧藐然相視默不語此時已到廣寒宮試看霓



裳羽衣舞舞罷飛昇太液池探花之樂樂誰知黃金  
難買秋光好第一人攀第一枝桂漿未向嫦娥乞桂  
子先從月殿掘露冷無聲香襲衣簪花客似拈花佛  
芳華賞遍意如何清靜場中秋思多莫把良時辜負  
了有花須采曲須歌歌成一曲復一曲脫手彈丸如  
金粟飲來玉露不嫌多延年名署長生籙當頭蟾彩  
競簪犀譜訂羣芳月裏題留得樹頭高絕處待儂親  
折上雲梯

怡怡齋詩集

五

老樹

偃蓋樹婆娑光陰幾度過顏唐君莫笑閱歷世人多  
古木氣蕭森端宜植上林春秋曾幾歷到老轉虛心  
春閨

閑情訴與誰細雨飄如許呼婢捲珠簾飛求雙燕語  
河南道中早行

破曉復長往馬首殘月朗寂靜過孤村犬吠車輪響

題扇



造化奪天工春回掌握中指揮如我意端不仗雄風  
題康聚五太守修竹扇

左右皆君子森森繞竹林雖然標勁節猶復抱虛心  
題家義堂兄借子獻廷太史竹深留客處小照  
數竿君子竹喬梓盡賢豪益自虛而受名因節乃高  
甲子春二月中表馮靄堂司鐸何星五王小樹  
兩孝廉在怡怡齋小酌望紅杏之在林吟詩敲  
句隔綠楊而沽酒戲墨臨池甚樂事也詩以誌

怡怡齋詩集

三

之

且喜良朋聚同吟正始聲持杯借鶴飲得句任花評

閒詠

休嫌白髮對花慚賭酒聯吟興尙酣深夜擁爐寒不  
寐藉將風月佐清談

題牡丹月季便面

羣芳未許競繁華魏紫姚黃任世誇富貴綿綿應不  
斷願如一月一開花



郝春聲太史寄懷依韻奉酬

大雅頻頌古錦囊果然不愧魯靈光遙思寄傲蓬山  
下定望雲天雁一行

曾把先生手澤存更逢錦鯉下蓬門清新詩句迴環  
誦開卷如親笑語溫

謝宋松友太守送梅花

頻年薄宦滯天涯誰識孤山處士家香信忽傳風雪  
裏依然清夢到梅花

怡怡齋詩集

廿一

西園卽事用王少蓮親家明府選韻

楊柳垂絲榆掛錢桃花時接杏花天有花有酒春常  
在不到桃源也是仙

開遍桃花樹樹紅烟雲過眼悟來空花開花落無多  
日底事曉曉錯怨風

鳥啼花落休悲悼看過花紅看葉青若使落花能上  
蕾還魂豈獨牡丹亭

詩詠桃花酒醉春芳園樂事敘天倫漫將罰數依金



谷此會何曾有俗人

接劉楠卿廉訪手書並見懷詩口占一絕

慕公才思托靈根詩也清新語也溫怪底窗紗分外  
朗文星昨夜照蓬門

新柳用茅硯農親家刺史選韻

懶舒青眼好眠春媚態爭傳西子顰若把東風比京  
兆畫眉一歲一更新

西園偶步用楊海珊親家觀察選韻

怡怡齋詩集

其二

一枝露出小墻紅撲鼻香飛曲徑通春色滿園人不  
管花開花落任東風

待崔靜波進士不至

高懷幾度學陳蕃舊雨不來又夕昏明月滿天花弄  
影漏聲頻下未關門

夜泊用呼位東都轉選韻

飄飄打槳畫船中映水窗開面面風近渚忙將燈火  
掩怕驚沙上宿孤鴻



渡頭晚眺

幾行楊柳晚風微古寺深藏靜掩扉  
明月半彎初掛樹敲門扶醉一僧歸

曉發

怕聽老僕喚登程一夜膏騰夢數驚  
乍醒渾忘身是客村雞猶唱故鄉聲

種樹用舅父高紫峯大中丞選韻

雙流環繞一橋橫門外春風自送迎  
夾道新栽官柳

怡怡齋詩集

三

好欲教人向樹間行

和中表高星垣靜軒兩茂才原韻

英年小試一揮毫借采芹香與共豪  
讀罷來詩同一笑人間從此重青袍

對菊用家晴嵐兄原韻

水濱籬落影橫斜清品如斯亦可嘉  
莫道有花皆隱逸開來不盡是陶家

登平山堂



翠微高處獨徘徊古碣荒涼臥碧苔  
傍午風生潮有信滿天山色過江來

過廿四橋用家晉三兄原韻

遊山歸去馬蹄驕訪勝經過廿四橋  
明月依然人不見更從何處聽吹簫

擬古樂府紅葉題詩二截

花時寂寂院門關轍迹何曾一往還  
溝水無情流自急不教紅葉到人間

怡怡齋詩集

廿

秋深懶唱後庭花一片新愁只自嗟  
草木經霜零落盡更無竹葉引羊車

餞春用芷卿弟原韻

倚欄怕聽采茶歌強以新詩卻睡魔  
惱恨年年寒食節賣花人比養花多

春困纏人睡起遲茜紗窗外日斜時  
何如梁上呢喃燕花落花開總不知

夏日卽事



懶到山中賣酒家  
午眠直至夕陽斜  
人心未必如儂  
熟底事紛紛愛食瓜

七夕

乞巧居然遍大千  
神仙疑住奈何天  
笑他應比凡人  
拙盼到相逢值一年  
牛女經年會面遲也應天上數瓜期  
幾時去乞人間巧省却年年怨別離

出差路經鄉里與蘭表弟劉子寬太守話別言

怡怡齋詩集

荳

懷

富貴全憑義取裁  
清心似水愛賢才  
兒童休怪行裝少  
帶得濟南山色來

胸懷爽朗垢難侵  
擁被斜欹冷不禁  
簾外秋風窗外雨  
一聲聲碎旅人心

題表兄余華照廣文畫梅花天竺扇

梅花天竺訂知音  
大筆揮來屬意深  
異日調羹當大用  
藉伊赤色表丹心



立秋前一日  
莽盪陰雲鬱不開  
長空掣電更奔雷  
銀床水簟難成  
夢桐葉蕭蕭雨又來

題表弟余蓮波垂釣小照

問柳尋花樂有餘  
一竿寄興俗塵疏  
亦如當日任公子  
其志由來不在魚

寄華友竹姊丈少尉俚語

征人遙望路漫漫  
意欲題詩墨屢乾  
至契何妨抄泛

怡怡齋詩集

共

語知關錦注告平安

和劉南卿廉訪春燕詩用原韻

似曾相識共春歸  
冒雨銜泥力尙微  
轉羨綠楊城外  
雁東風折向故園飛

知音漫笑冷官忙  
棟子風來晝益長  
最愛老漁垂釣  
處  
絲絲烟柳拂魚梁

暮春用姻硯弟王篔香太令選韻

有客憑欄感歲華  
紅殘飄散夕陽斜  
蜘蛛尙解留春



意屋角添絲網落花

訪甯理齋方伯竹林別墅或聞澤畔之漁歌頻  
添酒興或聽林間之樵唱更助吟懷因藉俚語  
畧畧以誌一時之情景云

行盡長堤復短堤桃花流水小橋西携樽共飲鶯頻  
勸沈醉東風月一溪

范署偶成

不識齋爲署渾忘身是官琴書供嘯傲家室喜團圓

怡怡齋詩集

七

累少驅愁易詩多戒飲難轉嫌庭外竹瑣屑報平安  
讀書須務大豈僅爲投時政拙勤能補心清俗可醫  
功名秋水淡案牘夜燈遲縱致求全毀由來涅不緇  
中秋步月寄晉三厚生靖侯子舒子聯諸昆仲  
客裡逢佳節思家意強覺月高人影短風急雁行單  
酒爲無愁戒花乘有興看却輸諸伯仲繞膝共承歡

早發界台寺

客路堪尋勝名山愜素聞臥遊終是幻目遇倍生欣



樹矮擎紅日峯尖矗白雲  
與人頗解意緩步踏烟氛  
踏遍崎嶇路深秋葉有聲  
清風生夜冷皓月逐人行  
客久身翻健途歧念轉平  
不諳山鳥語疑是雀知更  
靜坐

百感隨心境心清境不喧  
徑荒踈客跡院寂長苔痕  
牕影碧於水雨聲涼到門  
閒情無限好何處覓詩魂  
雨後

怡怡齋詩集

其

偶來綠楊下爽氣逼衣涼  
溪礪全開鏡峯巒半卸粧  
遙憐歸鳥近閒看溼雲忙  
忽訝生明月花陰冷上牆  
淮上泛舟

連日西風緊扁舟過釣磯  
岸催村樹走帆背夕陽飛  
水淺游魚少林疏宿鳥稀  
榜人爲客話儘夜抵荆扉  
月夜訪僧不遇用辛蔗甜太史原韻

信步到深山蒼茫雲水間  
舉頭見明月揮手叩禪關  
樹靜鳥無語門扃僧未還  
泉聲流不住石上聽潺潺



有感

怕落凡躋內思超最上乘身閑輪野鶴性澹等孤僧  
世態薄於紙人情冷似冰升沈且莫問詩酒作良朋  
范縣署中排悶偶成用芷菴弟原韻

興酣忘故我任筆語尤顛有癖學蘇老能參佛印禪  
春日登山

醒來無恙否一笑又相逢泉影瀉長塔鐘聲搖斷峯  
谷虛花待補雲斂樹疑封更上層樓望江流水自春

怡怡齋詩集

克

八月湖中卽景試院卽在湖上

鐘鼓夜沉沉人來鎖院深孤燈懸樹杪片月印湖心  
荷幹枯猶直蛩聲朗若吟此間風景好當戶快披襟  
和于蓮孫姊丈上舍稻香村別墅原韻

矮屋低於艇虛齋靜若禪峯奇雲當岫岸遠樹生烟  
風定花安睡波平月印圓開門來冷客閉戶校殘編  
來往人三五縱橫路陌阡鶯梢牽柳線魚戲負荷錢  
對酒巖行令填詞偶寄箋漫云居室陋不俗卽爲仙



登太白樓

樓邊十二曲欄杆，樓外星橫太白寒。  
狂到月從江底捉，死來山當醉中看。  
將泉化酒方資飲，此地題詩亦大難。  
我欲上書求自試，荊州可有愛才官。

和劉南卿廉訪絮影原韻

長堤掩映露花村，楊柳梢頭倒掛暎。  
癡意兒童捉不去，多情蛺蝶掠無痕。  
遙同舒卷雲離岫，輕似飄零雪打門。  
有客餞春殘，照外消魂橋上欲銷魂。

怡怡齋詩集

三

垂楊幾樹繞孤村，飄蕩依依蔽夕暎。  
起舞隱之披有迹，顛狂白也去無痕。  
輕攙霽雪鋪荒徑，濃捲炊烟鎖院門。  
遊子傷春三月暮，橋邊折柳暗銷魂。

甯理齋方伯以落花聲七律索和依韻奉酬

破曉尋芳曲院東，漏聲遙在百花叢。  
金鈴空繫蜂衙外，羯鼓驚敲蝶夢中。  
粉黛飄零春惜老，胭脂瘦損雨啼紅。  
少停且莫輕持帚，珍重餘香囑短童。  
轉過橋西到檻東，昨宵風雨鬧林叢。  
鶯歌啼遍烟霞



外蝶夢醒回錦繡中花色太嬌憐命薄春光已老如  
顏紅連朝檢點埋香未掃徑愁呼五尺童

白牡丹

霓裳舞上水精盤富貴場中本色難李白酒醒詩更  
雅華清池潔浴初乾朝天虢國東方曉映月瑤臺下  
界寒雅淡宜人無傲相好凭亭北玉欄杆

黃牡丹

色絲端合想衣裳婪尾宜開太守堂酒半頻頻斟密  
怡怡齋詩集  
三  
臘闌干帶醉倚沉香花容最好藏金屋土德尤宜艷  
洛陽莫向神仙誇富貴邯鄲未熟麥餘糧

紫牡丹

燕來風信鼠姑溫魏紫佳名色相存麗質自應賜魚  
袋芳容端合住薇垣醬分芍藥同仙品酒酌玫瑰有  
醉痕切莫鸞釵簪露髻霍家小玉正銷魂

西園感舊兼懷中表蕭樞垣直刺馮藹堂廣文  
西園重爲訪林泉不是詩顛卽酒顛聯句尙嫌名士



少看花難得主人賢放懷狂態仍如昨往事心情半  
屬烟到此不堪回首憶臨風獨立夕陽天

感事用陳秋帆給諫韻

如梭日月兩茫茫塵世無非夢一場人到有情皆致  
累時逢極熱轉生涼家貧始解讀書樂才大偏多好  
酒狂蠶自吐絲蜂作蜜不知底是爲誰忙

立夏

漸覺清和欲熟梅曉鐘敲罷凱風回吟身剛別春光  
怡怡齋詩集  
三  
去弱體先防暑氣來多竹祇因留客種殘花猶自向  
人開相迎偶到南郊外一片陰雲送晚雷

贈吳令筱亭之任章邑

見說才華迥出羣片言折獄仗斯文情懷若我能知  
我客邸逢君又別君桂籍當年曾報捷花封今日奏  
功勳河陽本是曾經地重到仍携兩袖雲

天然福慧總精神事事和平最可親翰墨場中能選  
士絃歌聲裏喜安人簿書鞅掌煩儒吏撫字勞心重



蓋臣終是長材堪大用於今端不愧臨民

對月書懷用李蘊石司鐸選韻

皓月當空分外明光輝到處自縱橫  
秋開玉宇天無翳風湧銀河夜有聲  
物外烟雲隨變態箇中詩酒見豪情  
一輪看到將圓滿缺陷全無半點生

送崔靜波進士之任惠民縣令

羣書覽罷越峯巒眼界原從閱歷寬  
用作甘霖能濟物愛於冬日不知寒  
友須忠告交非易官繼循良作

怡怡齋詩集

三

倍難威願少施恩願普從今不作腐儒酸

寄懷郝春生太史書以代簡

同容握手倍相親况復城中誼屬寅  
桃李遍栽皆後輩梅花修到是前身  
風塵作吏慙予俗名教如君邁等倫  
來歲門牆春正好滿城桃李一番新

詠蘇武

勃勃英姿瀚海濱滿天風雪見精神  
河梁別酒常懷念關塞寒毡耐苦辛  
十九年中違故土三千里外識



賢臣旄頭落盡心逾壯不愧男兒報國身  
錄周硯農司鐸三餘詩稿賦此誌謝

久欽彩筆大如椽呀咄書人副本傳我亦門墻新弟  
子君真智慧老神仙爲尋江上鶯花約更結人間翰  
墨緣擬拜先生無贄見清寒脩脯一詩篇

雨後野眺

破曉尋春屐印泥竹籬東畔石橋西一灣水活蛙爭  
鼓半隴烟輕鳩自啼之子前村閒牧犢有人綠野快  
怡怡齋詩集  
三

賀區鑿坡孝廉四十壽

上元風景始經旬嶽降遐齡不朽身弱冠廣寒曾斫  
桂中年大雅賴扶輪文章卽是千秋業言論能生四  
座春更喜壽星堪仰望光明不減歲華新

區鑿坡孝廉見懷賦此答之

文章讀罷有餘馨載誦新詩一卷經此後交情存筆  
墨其中意趣付丹青兼人敏捷追邢邵繞座光華發



魯靈如是龕僧真島佛

區之別號爲如是龕僧

聯珠唱玉盡瓏

玲

鑿坡前世卽東坡狂態奇才兩不訛筆本峻嶒平處少詩從閱歷得來多劉伶小隱惟沉醉甯戚傷時發浩歌祇有君心如皓月清秋猶肯照寒柯

湖上與區子祥孝廉賦別

連番乘舫泛晴湖喜遇知音與不孤舊日琴書堪領畧故園風景記模糊暢懷磊落詩千卷話別淒涼酒

怡怡齋詩集

三五

一壺蓮幕相違百餘里

時就肥城書啟相去百里

好音莫便隔征

途

送徐太守赴城都任

使星便是福星臨經濟文章耀古今膏黍連番蒸作雨甘棠幾處蔚成陰訟清誰擊水衙鼓案暇時調玉柱琴一自操刀稱上理恩波普遍廿年深

邨禹城任量移范縣士民留靴感而作此

難得官民氣味同老懷傾寫酒杯中地連鄒魯多佳



士俗少奢華尙古風他日音書藉魚雁過時得失悟  
鷄虫三春好景閒拋擲且喜相逢龐德公

時禹臣縣  
教官龐老

師署理吟詩話  
別雅意殷殷云

同是詩書夙好敵果然城市似山林良朋特下陳蕃  
榻舊客誰過翟尉門敲句共看花爛漫論文坐對月  
黃昏他年重剪西窗燭記取鴻泥雪爪痕

詠落花詩寄芷卿子舒兩弟並囑其原韻照和  
羣玉山頭弔夕暉一林修竹淚湘妃池塘不過驚鴻

怡怡齋詩集

三

影簾幕空餘乳燕飛名卉行踪飄柳絮可人芳跡剩  
羅衣淒淒芳草長如許究竟王孫歸不歸

芳草池邊叫鷓鴣垂楊樹外喚提壺漫將命薄憐紅  
玉只爲情多累綠珠舞袖粘來經雨溼歌臺飛去倩  
風扶連年手植花猶在消得江郎恨也無

卸范縣赴濰縣任士民立長生祿位牌誌別

冰霜歷盡一吟身我亦唐虞草莽臣幾輩圖麟光汗  
簡十年戎馬歎勞薪書生仕宦何妨拙廉吏兒孫不



厭貧正擬興除籌化理那堪分袂促征輪  
父老依依苦挽行愧無康濟及民生停車暗洒憐才  
淚折柳難忘舊雨情野茂桑麻占歲稔手栽桃李待  
春榮歸裝惟有冰心在慚愧村村輿頌聲

嚴寒有感

大雪紛紛玉作團晚來袖手倚欄看幕中飛檄難成  
草簷下懸冰欲掛竿偏是煖衣還覺冷除非溫語儘  
教寒遙憐多少征夫淚滴向沙場點點乾

怡怡齋詩集

三

讀張巡傳用妯伯王雨香夫子選韻

矢亡援絕力難勝盡瘁猶思竭股肱一死從容全大  
節數年牽制濟中興乞師枉累奇男哭殲賊翻輸若  
輩能蕞爾睢陽當勁敵江淮保障到今稱

過揚州謁史閣部祠

勤王事業付東流野鳥空啼碧樹秋正氣無慚文信  
國大名直繼武鄉侯二分明月千年恨幾點梅花萬  
種愁剩有纍纍坏土在衣冠枉說舊遺留



和妹倩玉幼坦茂才以詩代東原韻

知音且恕我踈狂  
慚愧難登傀儡場  
搔首愛吟邀月句  
畫眉羞對入時妝  
肯尋淡菊霜中傲  
願與寒梅雪裏香  
文債未償詩債起  
詞章酬唱往還忙

辛酉秋闈薦而未售因得五十六字誌感

折桂原思效郗詵  
一枝探得耀瓊林  
那知紙薄書生命  
空賦高山古調琴  
三徑黃花詩客債  
一彎良月故人心  
男兒應具達觀識  
松柏何妨霜雪侵

怡怡齋詩集

三

和桂林道家觀察靄臣弟以詩代東原韻

讀書自是得薪傳  
猶子都能守硯田  
這莫孫陽邀一顧  
還期祖狄着先鞭  
連城價重聯同輩  
琴鶴家聲啟後賢  
記否三冬同剪燭  
文章經濟共磨研



洋古	册数	2
	定价	350

